

KJKP "RAD" d.o.o. SARAJEVO
-v.d. Direktor-

Broj: 05-03-04-_____/20
Sarajevo, 05.10.2020. godine

Na osnovu člana 70. Zakona o javnim nabavkama BiH ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, v.d. direktor donosi:

O D L U K U
o izboru najpovoljnijeg ponuđača za javnu nabavku rezervnih dijelova za specijalnu mašinu Multicar

I

Najpovoljniji ponuđača za javnu nabavku rezervnih dijelova za specijalnu mašinu Multicar je ponuđač **Inter Auto d.o.o Sarajevo**.

O B R A Z L O Ž E N J E

KJKP "RAD" d.o.o. Sarajevo je dana 26.08.2020. godine na portalu javnih nabavki BiH objavio Obavještenje o nabavci kroz otvoreni postupak za izbor najpovoljnijeg ponuđača za javnu nabavku rezervnih dijelova za specijalnu mašinu Multicar, sa rokom dostave ponuda 15.09.2020. godine, i Ispravku Obavještenja o nabavci od dana 03.09.2020. godine broj: 83-1-1-418-8-123/20, sa rokom dostave ponuda do 22.09.2020. godine.

Po otvorenom postupku za javnu nabavku rezervnih dijelova za specijalnu mašinu Multicar pristigle su 2 (dvije) ponude i to ponude firmi:

- **Slt d.o.o. Zenica**
- **Inter Auto d.o.o. Sarajevo**

Komisija za javnu nabavku je u toku provođenja i nakon detaljnog pregleda dostavljene dokumentacije utvrdila sljedeće:

- Ponuđač **Slt d.o.o. Zenica** je dostavio svu potrebnu dokumentaciju i ponudio godišnju cijenu nabavke u iznosu od: **194.337,49 KM bez PDV-a**.

Naprijed navedena ponuda je ocijenjena kao **potpuna i prihvatljiva**.

- Ponuđač **Inter Auto d.o.o. Sarajevo** je dostavio svu potrebnu dokumentaciju i ponudio godišnju cijenu nabavke u iznosu od: **218.669,75 KM bez PDV-a**.

Naprijed navedena ponuda je ocijenjena kao **potpuna i prihvatljiva**.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. Slt d.o.o. Zenica

Cijena (194.337,49 KM bez PDV-a)

2. Inter Auto d.o.o. Sarajevo

Cijena (218.669,75 KM bez PDV-a)

Obzirom da se radi o postupku javne nabavke sa kojim je predviđeno sklapanje Okvirnog sporazuma, a da je broj prihvatljivih ponuda dvije (2), cijeneći budžet ugovornog organa određen za nabavku predmeta javne nabavke od strane Komisije za javne nabavke utvrđeno je da je zadovoljena stvarna konkurencija, te je data preporuku Ugovornom organu da se provede e-aukcija dana 01.10.2020. godine, u skladu sa informacijama o procesu e-aukcije datim u tenderskoj dokumentaciji.

Ugovorni organ je dana 29.09.2020. godine zakazao E-aukciju za dan 01.10.2020. godine u 12:00 h.

Nakon provedene E-aukcije utvrđena je konačna rang lista ponuđača, a u skladu sa Izvještajem o toku i završetku e-aukcije.

Konačna rang lista ponuđača:

1. Inter Auto d.o.o. Sarajevo

Cijena (120.000,00 KM)

2. Slt d.o.o. Zenica

Cijena (124.805,00 KM)

Obzirom da se radi o otvorenom postupku javne nabavke kojim je previđeno sklapanje Okvirnog sporazuma, cijeneći budžet ugovornog organa određen za nabavku predmeta javne nabavke, Komisija za javne nabavke daje preporuku Ugovornom organu da u skladu sa članom 69. stav 1. tačka a) Zakona o javnim nabavkama BiH ("Službeni glasnik BiH", broj 39/14) prihvati ponudu ponuđača **Inter Auto d.o.o. Sarajevo** kao potpunu i prihvatljivu, budući da je dostavio svu potrebnu dokumentaciju te ponudio godišnju cijenu u iznosu od: 120.000,00 KM bez uračunatog PDV-a, sa tim da će se nabavka vršiti u skladu sa procijenjenom vrijednosti iz tačke 5.2 tenderske dokumentacije i u skladu sa tačkom 27. tenderske dokumentacije i to u iznosu od: 20.000,00 KM bez PDV-a godišnje, odnosno 60.000,00 KM bez PDV-a za trogodišnji period.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

Pouka o pravnom lijeku: Protiv ove Odluke može se uložiti žalba Ugovornom organu, odnosno KJKP "RAD" d.o.o. Sarajevo, u pisanoj formi u roku od 10 (deset) dana od dana prijema ove Odluke.

**KJKP „RAD“ d.o.o. Sarajevo
v.d. Direktor**

Mirsad Hošić, dipl.ing.maš.

DOSTAVITI:

- Ponuđačima;
- A/a;